

肥鄉縣志卷二十九

列女

其美節義詩咏柏舟歐母賢明史傳荻畫其他或言斷腕
或著毀容或矢志以捐軀或事親以割股莫不門施綽楔
寵錫綵論爲巾幗之完人作鄉閭之矜式然而世家大族
子孫猶易於顯揚矮屋窮簷姓氏每難於傳播貧而無怨
逼歷暑雨祁寒沒亦無稱誰憐苦心孤詣若使幽光不著
潛德未孚下無以焜燿簡編上何由維持風化循名責實
濫竽者難廁其間激濁揚清採風者莫遺其事志列女

明

肥鄉縣志

卷二十九

列女

鄭氏庠生杜潤妻年十九夫亡守節至九十歲卒旌表

胡氏劉澤妻淑氏澤子綦妻皆少寡無後兩世孀居人稱雙
節

張氏申甯妻年二十三夫亡守節至八十歲卒

王氏庠生郭東妻年十九夫亡撫育繼子崇嗣卒至通顯疏
請旌表

李氏郭鄴妻夫亡守節至七十歲郡守表其門

陳氏庠生李登雲妻夫亡殯於書室漳水漫室則懸柩於梁
上朝夕哭祭者數十年年七十八以疾死於柩旁巡按王
之良表其事

李氏張錠妻年十七生子桂僅七日錠卒氏撫育遺孤危苦
畢至後桂成立赴闕上書誦其苦節得旨旌表

劉氏馬太妻太疾作氏曰夫亡無以報惟撫幼子以存此節
後太卒茹苦匿影雖母黨夫族婦女亦不以無故相見縣
令表其門

趙氏張漢臣妻年十九夫亡事姑冀氏許氏恩四十年撫幼
子堯儒成立縣令陳表其門

和氏庠生李資妻年二十二夫亡家貧事舅姑以禮孀居六
十五年八十七歲卒長子潤次遺腹子澤布政使杜之祖
也

肥鄉縣志

卷二十九

列女

二

安氏郝班妻年十八歲夫亡撫孤安貧守志八十歲卒

許氏馬進妻夫亡守節五十餘年七十五歲卒

陳氏張良佑妻年十九夫亡孝姑撫子貞節至老不易縣令
表其門

李氏舉人杜璧妾年二十璧亡家貧幾不能活氏與其嫡郭
氏紡績度日同撫孤子樸成立後樸以貢生官太湖縣丞
氏至八十歲卒人稱郭李雙節

李氏王汝義妻年十七夫亡遺一子未幾子一死矢志不渝
至八十歲卒

于氏潘禮妻夫亡年尚幼守節五十餘年旌表

韓氏周鳳妻年二十二夫亡無子舅姑欲奪而嫁之氏堅節不渝

周氏李琰妻娶期年夫亡家貧無子遺婦生一女守節至老縣令表其門

李氏李琰女適庠生梁達達早歿氏與孀母周氏同志苦守至死不渝縣令李表其門

馮氏監生喬繩武之妻夫亡撫孤守節年八十歲卒本府識其名於旌善亭中

韓氏路進寶妻劉氏路進財妻遇兵亂進寶等扶母偕兩婦走途次遇兵欲加淫掠兩婦見勢危急俱投河死人稱雙

肥鄉縣志

卷二十九

列女

三

烈縣令郝表其門

張氏杜希賢之妻夫亡無子族爲之立嗣嗣亦死氏懸其舅姑與夫之像拜泣曰氏存此像猶有所歸氏亡則俱灰燼矣聞者無不墮泣守節至八十歲卒縣令陳表其門

閻氏賀應鰲妻年十九夫亡守節至七十餘歲卒

任氏韓拱妻夫亡自經以殉巡撫表其門

張氏王秀妻年十九爲流賊劉六劉七等所執欲污之不從被殺

侯氏李琦妻夫亡三日水漿不入口自縊柩側

武氏李環妻年十八環卒日夜慟哭以頭觸柩流血曰妾當

從地下念吾夫垂歿以姑及二稚委妾妾死姑及二稚何託是吾夫愈不瞑目矣乃奉姑訓守節六十年卒

李氏馬尚良妻歸未二載尚良染惡疾氏待之無倦色及良疾革曰爾年少勿以我悞氏曰空言何補蓋棺後論定可耳尚良卒周身內衣俱以絲緝其縫若小歛然登樓自縊死郡守陳表其門

郭氏常律妻年十七夫亡七日繼於柩側

翟氏張官妻夫亡家貧斷手自誓守節至七十歲卒縣令廉表其門

高二女高梅女許字田既庭未歸聞夫死吞聲泣父母往弔

肥鄉縣志

卷二十九

列女

四

女已繼於家死矣縣令曹建坊曰貞烈

張氏王守祖妻年二十四夫亡撫子堯民成立官車騎關巡檢年八十卒題請建坊旌表

常氏常鎖女適武強夫商於外姑淫悍日與羣惡少謀汚氏不得痛加筆楚不從亦不言竟死時大旱鄉人曰冤孝婦

則三年不雨率衆往祭婦墓雨大注咸以爲孝烈所致

宋氏焦宏祚妻年二十四夫亡嚙指自誓姑有疾祈神願以身代其姑夜夢一青衣神曰汝婦以大節孝親上清早錄其名矣病卽愈人謂誠孝格天

韓氏邢穩妻年二十五夫亡父母欲奪其志氏禱神曰盍壞

我日以全此節其明年一目果盲越十五年父母歿目復明至八十三歲無疾而卒

張氏甯惠妻年二十三夫亡涕泣不食以死自誓翁姑勸之曰吾因乏嗣四娶乃得惠惠歿汝兒方二歲汝死不惟吾夫婦老無所托將持此二歲兒安歸乎不得已勉就食養親撫孤力葬五喪苦節四十年

關氏王甯妻年十九夫亡守節五十年郡縣表其門曰貞孝李氏蔣譚妻夫亡以孝事姑守節至老

趙氏武繼先妻年二十二夫亡無子氏勤紡績挑藜藿以養舅姑舅姑死不能葬日閉門號泣聲聞鄉里親鄰助而葬之至八十餘歲卒

肥鄉縣志

卷二十九

列女

五

張氏牛科斗妻夫亡子幼苦節終身巡按具疏旌表

馮氏張以攀妻年二十餘夫亡教子入泮守節至老縣令曹表其門

陳氏郭仕妻年十九夫亡侍翁姑訓嗣子守節四十三年卒與李登雲妻爲姊妹雙節

趙氏杜文禮妻夫亡守節六十年至九十歲卒萬厯間有司上其事建坊旌表

李氏秦齊妻夫病革籲天代夫死竟自縊夫病尋愈

高氏張起龍妻年十九夫亡矢志事翁姑以孝教子君佐成